



Na osnovu Odluke o pokretanju postupka javnog prikupljanja ponuda radi prodaje pokretnih stvari/motornog vozila putem licitacije Općine Centar Sarajevo broj 02-11-6544/25 od 13.11.2025. godine, te u skladu sa članom 2. i članom 6. Pravilnika o postupku prodaje pokretnih stvari putem licitacije broj 02-49-946/17 od 20.04.2017. godine, Komisija za provođenje postupka prodaje pokretnih stvari putem licitacije u Općini Centar Sarajevo, objavljuje:

JAVNI OGLAS ZA PRODAJU POKRETNIH STVARI/MOTORNOG VOZILA PUTEM LICITACIJE

I PREDMET PRODAJE

Marka i tip vozila	Vrsta goriva	Broj registracije Broj motora Broj šasije	Godina proizvodnje	Snaga i Zapremina
Škoda kodiaq Terensko vozilo M1 – putnički automobil	Dizel	/ DFH456216 TMLBK7NS1J8089591	2018	140 kW 1968 cm ³
Registracija	Boja Broj vrata	Pređeni put (km) Hvarija – sudar	Održavanje vozila	Početna cijena vozila sa PDV- om (KM)
NE	Siva 5	91.657 nema	Održavano u ovlaštenom servisu	43.664,09

*** Napomena: vozilo se prodaje sa dva pripadajuća seta guma sa alu felgama (zimski i ljetni set) od kojih je trenutno zimski set montiran na motornom vozilu.**

II PRAVO UČEŠĆA I ZAKONITOST POSTUPKA

1. Pravo učešća na prodaji vozila imaju domaća i strana fizička i pravna lica.
2. Više fizičkih lica koja žele da ostvare zajedničko učešće na licitaciji podnose jednu prijavu.
3. Lica iz prethodnog stava stiču svojstvo učesnika na licitaciji registracijom za učešće na licitaciji.
4. Prva licitacija će se održati samo ako na njoj učestvuju najmanje dva učesnika. Izuzetno od prethodnog stava, ako se na licitaciju javi samo jedan učesnik sa prihvatljivom prijavom, Komisija može pristupiti postupku licitacije, pod uslovom da cijena ponude ne može biti niža od početne cijene objavljene u Javnom konkursu.
5. Licitaciju provodi Komisija za provođenje postupka prodaje pokretnih stvari putem licitacije, koja se sastoji od tri člana i sekretara, ista će maksimalnu cijenu konstatovati u zapisniku.
6. Prilikom postupka prodaje, učesnici licitacije će dostaviti dokaz o uplaćenju kaucije od 10% od utvrđene početne cijene, a nakon toga učesnici licitacije će se usmeno izjašnjavati o daljim ponudama.
7. Licitacija traje sve dok se ističu veće ponude.
8. Učesnici licitacije su vezani za svoju ponudu ako one usljed isticanja većih ponuda nisu prestale da važe.

9. Licitacija se zaključuje ako nakon trećeg poziva u roku od pet minuta nije istaknuta veća ponuda.
10. Učesnik sa najvećom ponudom je obavezan izvršiti uplatu u punom iznosu kupoprodajne cijene u roku od tri (3) dana od dana potpisivanja ugovora između ugovornih strana.
11. Ukoliko se desi da izabrani učesnik odustane od ponude položena kaucija se ne vraća, a učesniku koji je drugi na listi ponuda bit će ponuđena kupovina pokretne stvari po najvišoj cijeni koju je drugorangirani učesnik ponudio.
12. Kaucija se uplaćuje na depozitni račun Općine Centar Sarajevo otvoren u UniCredit Bank d.d. broj: **3386902296575219**, vrsta prihoda 722791, šifra općine 077, budžetska organizacija: 0000000, poziv na broj: 0000000000 do **30.01.2026.** godine.
13. Zaposleni u Općini Centar i članovi njihove uže porodice, nemaju pravo učešća u ovom postupku.

III PREGLED VOZILA

Vozilo se može pregledati na parkingu objekta Vile Braun, ulica Alipašina 45, Sarajevo 71000, svakog radnog dana od 07:30 – 16:00 sati, uz prethodnu telefonsku najavu.
Ovlaštena osoba: Amina Teskeredžić, kontakt telefon: 033/562-319 ili 033/562-375.

IV DOSTAVLJANJE DOKUMENTACIJE

1. Dokumenti se dostavljaju u zatvorenoj koverti, sa naznakom „NE OTVARAJ – Dokumenti za kupovinu vozila“, do **02.02.2026. godine do 12 sati** na protokol Općine Centar Sarajevo, Mis Irbina broj 1.
2. Koverta koje budu dostavljene poslije navedenog roka neće se uzeti u razmatranje.
3. Licitiranje uz prisustvo zainteresiranih ponuđača održat će se **02.02.2026. godine, s početkom u 14 sati, sala 205/II sprat** Općine Centar Sarajevo, Mis Irbina broj 1.
4. Licitaciji mogu prisustvovati fizička lica lično ili po punomoćniku, te osoba koja je ovlaštena da zastupa pravno lice ili punomoćnik za učešće u postupku prodaje vozila uz dokaz o zastupanju iste.
5. Izabrani učesnik predmetnog postupka, zaključuje ugovor o kupoprodaji u roku od dva (2) dana od dana pismene obavijesti o prihvatanju ponude pobjednika licitacije.

V POTREBNA DOKUMENTACIJA

1. Koverta sadrži:
 - a) Podatke o fizičkom licu i njegovom punomoćniku ukoliko ga angažuje (ime i prezime, ime jednog roditelja, adresu i broj telefona)
 - b) Podatke o pravnom licu (ovjerenu fotokopiju Rješenja o upisu u sudski registar ne starije od 6 mjeseci, ovjerenu i potpisanu potvrdu ovlaštenog lica za zastupanje u postupku prodaje vozila, adresu i broj telefona, ID broj).
 - c) Ugovor o zajedničkom zastupanju, ako se radi o dva ili više fizičkih ili pravnih lica (original ili ovjerena kopija).
 - d) Izvod iz sudskog registra za privredno društvo.
 - e) Potvrdu banke o otvorenom tekućem računu sa naznakom transakcijskog računa banke, te pozivom na broj klijenta na koji će se izvršiti povrat kapare fizičkom ili pravnom licu, ukoliko ne bude izabrano kao najpovoljniji ponuđač.
 - f) Dokaz o uplati kaucije.
2. Obrazac za registraciju mora biti potpisan od strane podnosioca, a ako je ponuđač pravno lice, isti mora biti ovjeren pečatom pravnog lica. (Obrazac za registraciju se može preuzeti na web stranici: www.centar.ba)
3. Prihvatljivom dokumentacijom se smatra ona koja sadrži podatke iz tačke 1 i 2, ovog člana.

VI OBAVEZE KUPCA

1. Kupac čija ponuda bude prihvaćena kao najpovoljnija, dužan je pristupiti zaključenju ugovora u roku od dva (2) dana, od dana pismene obavijesti o prihvatanju ponude pobjednika licitacije.
2. Kupac je dužan za kupljeno vozilo uplatiti puni iznos kupoprodajne cijene u roku od tri (3) dana od dana potpisivanja ugovora između ugovornih strana, a kada je za zaključivanje ugovora prethodno potrebno pribaviti mišljenje Općinskog pravobranilaštva, rok za uplatu kupoprodajne cijene je tri (3) dana nakon pribavljanja mišljenja Općinskog pravobranilaštva.
3. Sve obaveze carina, porez i troškove oko prenosa vlasništva snosi kupac.
4. Prodaja se vrši po načelu „viđeno – kupljeno“ bez naknadnih prigovora i žalbi koji se odnose na predmet prodaje.
5. Primopredaja pokretne stvari izvršiti će se odmah po predocanju dokaza o izvršenoj uplati kupoprodajne cijene.
6. Ako kupac odustane od kupovine (odnosno ne pristupi zaključenju ugovora) uplaćeni iznos kaucije mu se neće vratiti, a Općina Centar Sarajevo će zaključiti ugovor sa slijedećim najpovoljnijim kupcem.

VII DODATNE INFORMACIJE

1. Svim učesnicima čija se ponuda ne prihvati izvršiće se povrat položene kaucije na tekuće račune i to u roku od 15 dana od dana održavanja licitacije.
2. Sve dodatne informacije mogu se dobiti radnim danima u periodu od 07:30 do 16:00 sati na brojeve telefona: 033/562-319 ili 033/562-375.